
Вояга етмаганлар ўртасидаги жиноят ва ҳуқубузарликлар юзасидан

Вояга етмаганлар ўртасидаги жиноят ва ҳуқубузарликлар юзасидан

Вояга етмаган шахларнинг ўртасида содир этилаётган жиноятларнинг сабаб ва омиллари бир талай. Қайсидир вояга етмаган тўқликка шўхлик қилса. Яна бири бекорчиликдан жиноят кўчасига кириб қолмоқда. Булар орасида қаровсизлик оқибатида қонунни бузганлар ҳам, афсуски, бор. Яъни ота-оналар ўз болаларини кимларгадир қолдириб, хорижга ишлагани чиқиб кетаяпти. Назорат қиладиган одам бўлмагач, ўспирин ҳохлаган кўчасига кириб – чиқмоқда.

Ота-оналарнинг фарзанд тарбиясидаги масъулияти қонунчиликда ҳам мустаҳкам белгилаб қўйилганлигини айтиб ўтди.

Айрим болалар турли сабабларга кўра, ота-она қарамоғидан бебаҳра қолиб, меҳрибонлик уйларида тарбияланадилар. Аксарият ҳолларда меҳрибонлик уйларида васийлик ва ҳомийлик асосида оталиққа олинган вояга етмаганлар ўртасида ҳам ҳуқуқбузарликлар ва жиноятчилик ҳолатларининг учраётгани бу борадаги муаммоларининг яна бир омилдир.

Васийлик бу – ўн тўрт ёшга тўлмаган, етим болаларни ва ота-онасининг қарамоғидан маҳрум бўлган болаларни, ҳамда, суд томонидан муомалага лаёқатсиз деб топилган ота-оналарнинг фарзандлари киради.

Ҳомийлик эса–ўн тўрт ёшдан ўн саккиз ёшгача бўлган етим болалар, ҳамда, суд томонидан муомалага лаёқати чекланган фуқароларнинг таъминоти, таълим ва тарбия бериш, уларнинг мулкӣ ва шахсий ҳуқуқ ҳамда қонуний манфаатларини ҳимоя қилиш мақсадида бириктиришдир.

Аслида олти ойдан зиёд қаровсиз қолган вояга етмаган болаларга васий ва ҳомий тайинлаш чоралари кўриш зарурлигини айтиб ўтди. Бунинг оқибатида айрим ота-оналар фарзандларини ҳеч қандай қонуний ҳужжатларсиз қариндошларига ташлаб, хорижга ишлаш мақсадида чиқиб кетишмоқда.

Хулоса қилиб айтганда, айрим ота-оналарнинг ўз фарзандлари тақдирига бефарқлиги кўпинча мудҳиш ҳолатларга сабаб бўлаяпти. Бу эса жамиятдаги ижтимоий барқарорликка ўз таъсирини ўтказмай қолмайди

**Бешариқ тумани ИИБ ҳузуридаги Тергов бўлинмаси суриштирувчиси капитан
Ф.З.Нуриддинов 15.02.2023 йил**

2023-08-21 08:49:47